



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vitae Sanctorvm

Lippeloo, Zacharias

Coloniae Agrippinæ, 1603

Vita Venerabilis Dominici Loricati: Ex ea quæ est per Petrum Damiani, ad
Alexandrum Papam. Floruit circa annum Domini millesimum
quingentesimum.

urn:nbn:de:hbz:466:1-42787

*Eleuat reli-
quias SS. Ki-
liani & so-
ciorum eius,
ad quas &
monasteriū
construit: eo-
rum vita ha-
betur 8. Jul.*

*Vacat affi-
ne & contē-
platiue vite.*

*Obdormit in
Domino.*

** Virce-
burgum.*

*Locus sepul-
ture eius.*

*Miracula
ad sepulchrū
eius.*

*Teste C. Ba-
ron in Not.
ad Martyr.
Roman.*

secūdo, beatorum Martyrum Kiliani & sociorum eius venerandas reliquias miraculis illicō claras cum maximo Cleri plebisque tripudio de terrę puluere leuauit, sericisque reuerenter inuolutas, cum summo, vt decebat, honore in feretro composuit, & monasterium eodem in loco sepulturę construxit. Sed &, vt actiue vitę sollicitudinibus turbatus, deindē ad pedes Iesu refugium haberet, construxit in arcto procliui montis & allapsu Mœni fluminis, cœnobium in honorē Dēi genitricis & S. Andree Apostoli, quod prædiorum quantitate ad victum vestitumq; duodecim Fratrum Canoniorum, Deo ibidem militantium, necessaria liberaliter dotauit. Quibus virtutum insignibus cū apud homines & Deum maximē clarus, annos quadraginta pondus diei & ætus in vinea Domini Sabaoth strenuē portasser, ac sibi Megingaudum virum pientissimum substituisset, tandem in castello, quod Hohenburg dicitur, Dominicis præmonitus sacramentis foeliciter migravit ad Christum: Indē verō omni veneratione, confluentibus vndique fidelium turmis, vnicē dilecti patris decessum lamērantibus, in ciuitatem sedis suę * Herbipolim delatus, in Monasterio beatorum martyrum Kiliani sociorumque eius, iuxtā eorum sacras reliquias conditus est: præclaris sanitarum miraculis admodum ibidem celebris.

VITA VENERABILIS DOMINICI
Loricati: Ex ea quę est per Petrum Damiani
ad Alexandrum Papam. Floruit circa annum
Domini millesimum quinquagesimum.

DOMI-

DOMINICVS vir Domini, cū primis 14. Octob.
 in sæculo sacris initiatus ad sacerdotiū
 aspiraret, parentes eius (quia Simoniaca
 tunc vigeat hæresis) vt eam dignitatem con-
 sequeretur, Episcopo hircinæ pellis alutā do-
 nauerunt. Quæ vna beati viri culpa, postea mul-
 torum bonorum (diligentibus enim Deum om-
 nia cooperantur in bonum) ei exstitit mate-
 ria. Nam hoc pauore perterritus, contempto
 seculo, mox arduum eremiticæ vitæ, tanquam
 bellator intrepidus, arripuit institutum: in
 quo ad vsque obitum virgo permanens, quia
 malè promotus erat sacrosancti altaris vsur-
 pare ministerium non præsumpsit.

*Rom. 8.**Detestans
Simoniam fit
Eremita.**Manet vir-
go.*

In illa igitur eremo, quæ in regione Luceo-
 li constituta erat, decem & octo visebatur cel-
 lula fratribus ad habitandum deputatæ: vbi tã-
 ta vitæ austeritate vivebatur, vt abstemij pror-
 sus nunquam adipe alimenta condirent; vnum
 Dominico die & quinta feria pulmentum fu-
 meret; solis orationibus ac manuum operibus
 insisterent: & quinque per hebdomadam die-
 bus in pane & aqua ieiunium celebrarent. Si-
 lentium verò adeò strictum cunctis statutum
 erat, vt sola Dominica die, idque post Vesperas
 cibumque, soluerent: eoque breui tempore
 ad Completionis vsque officium sibi inuicè
 loquendi facultatem haberent. Nudis præte-
 rea pedibus & cruribus in cellulis ingiter mo-
 rantes, quotidie per omnes canonicas horas
 disciplinam sibi inuicem scoparum & cor-
 rigiarum ictibus ingerebant. Dominicus verò
 ferrea ad carnem lorica præcinctus, totoque

*Arduum vi-
tæ institutū.**Silentium
diuturnum.**Ardue di-
scipline.*

*Dominicus**Ferrea Lorica ad carnem indutus.**Corpus suum egregiè castigat.**Quid faciat consuetudo.**En quis lautior eius fuerit cibus.**Obitus eius felicissimus.*

ferè corpore circulis ferreis strictus, feruidius aduersus hostiles acies incedebat bellator, infoederabilem cum iniquis spiritibus conferens pugnam. Diebus enim singulis duos psalteria modulando, vtraque manu scopis armata, nudum atterebat corpus; & rebelles carnis illecebras infatigabiliter reprimebat. Neque hic feruor in incurua senectute refriguit, sed magis insuper incandescens, animum ad spiritalia exercitia inuictum atque infatigabilem reddebat. Inedia aded patiens erat, ut panem cum foeniculo summas reputaret delicias; aiebat siquidem corpus humanum, in quo paulatim prius enutritur: in hoc per incrementa postmodum roborari. Cæterum hæc tanta vitæ austeritas non in eo solum residebat, sed exemplo suo non viros modò, sed & nobiles matronas ad hoc purgatorij genus auide arripiendum prouocabat, excitabatque ita ut multi in corpora sua pijs flagris sæuirent, & peccati rubiginem disciplinis expurgarent.

Solebat quidem per interualla vino, licet parcissimè, uti: sed longè antequam defunctus est, decreuit ab eo penitus abstinere. Ceterum in vltima senectute stomachi grauedine arctatus, crebris coepit capitis fatigari doloribus: quibus diu multumque excruciatu tandem sanctum Deo spiritum reddidit. Corpus verò fuit post nonum diem incorruptum repertum: atque ab huius historiae auctore in basilicæ capitulo debita reuerentia conditum.